

GRADSKO VIJEĆE GRADA SARAJEVA
n/r Igor Gavrić, predsjedavajući Gradskog vijeća

PRIMLJENO: 17.12.2018.			
Org. jed.	Broj	Prilog	predmet
01-av-23-1390/18. 09			

Predmet: Amandmani na Prijedlog Budžeta Grada Sarajeva za 2019. Godinu, dostavljaju se

Poštovani gosp. Gavrić,

U skladu sa članom 124. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), a u vezi sa čl. 116. Poslovnika, na Prijedlog Budžeta Grada Sarajeva za 2019. Godinu, a koji je dostavljen kao materijal za 22. sjednicu Gradskog vijeća Grada Sarajeva, podnosim amandmane, kako slijedi:

AMANDMAN I

U Prijedlogu Budžeta Grada Sarajeva za 2019. godinu, iznos na poziciji 613.100 Putni troškovi od 159.500 KM mijenja se i glasi 80.500 KM.

Razlika od 79.000 KM je za novu poziciju u budžetu – Nabavka korpica za smeće na potezu od Higijenskog zavoda do Baščarsijskog trga.

Obrazloženje:

Analizom budžeta u posljednjih pet godina primjetno je enormno povećanje troškova na ovoj budžetskoj stavci u aktuelnom mandatu, bez vidljivih efekata. Obzirom na tu činjenicu potrebno je troškove racionalizirati na nivo maksimalnih izdataka u prošlom mandatnom periodu.

S druge strane potrebno je povećati broj i obnoviti postojeće korpice za smeće u centralnoj gradskoj zoni.

AMANDMAN II

U Prijedlogu Budžeta Grada Sarajeva za 2019. godinu, iznos na poziciji 613.200 Izdaci za energiju od 142.000 KM mijenja se i glasi 90.000 KM.

Razlika od 52.000 KM je za novu poziciju u budžetu – Participacija za članarine u sportskim klubovima za djecu koja su u stanju socijalne potrebe.

Obrazloženje:

Analizom budžeta u posljednjih pet godina primjetno je da je ova stavka bez validnog obrazloženja povećana i nije u saglasnosti sa realnim povećanjem troškova za ove namjene.

S druge strane djecu koja su u stanju socijalne potrebe treba pomoći da ne bi bili diskriminirani na osnovu imovinskog stanja.

AMANDMAN III

U Prijedlogu Budžeta Grada Sarajeva za 2019. godinu, iznos na poziciji 613.300 Izdaci za komunalne usluge od 123.350 KM mijenja se i glasi 80.000 KM.

Razlika od 43.350 KM je za 614.300 rb. 23. – Obilježavanje međunarodnog dana starih 01. Oktobar, Centri za zdravo starenje na području gradskih općina

Obrazloženje:

Analizom budžeta u posljednjih pet godina primjetno je da je ova stavka bez validnog obrazloženja povećana i nije u saglasnosti sa realnim povećanjem troškova za ove namjene. S druge strane stariji ljudi zaslužuju da se podrže njihove programske aktivnosti za 01. Oktobar međunarodni dan starih

AMANDMAN IV

U Prijedlogu Budžeta Grada Sarajeva za 2019. godinu, iznos na poziciji 613.900 Izdaci za informisanje, medije i odnose sa javnošću, štampanje, kopiranje i uvezivanje 212.600 KM mijenja se i glasi 72.000 KM.

Razlika od 140.600 KM je za novu poziciju u budžetu – Hortikultурно uređenje Titove ulice od Vječne vatre do Higijenskog zavoda

Obrazloženje:

Analizom budžeta u posljednjih pet godina primjetno je da je ova stavka enormno povećana u aktuelnom manadatu bez validnog obrazloženja i efekata. U prethodnim mandatima je bila čak i manja i to u vrijeme kada su se materijali za Gradsko vijeće stampali, a što su bili značajni troškovi. Sada se materijali za Gradsko vijeće dostavljaju u elektronskoj formi, tako da nema ni jednog racionalnog obrazloženja zašto bi ova stavka trebala ostati kako je predložena.

S druge strane u ranijem periodu u centralnom dijelu Titove ulice bile su postavljene žardinjere sa ukarsnim cvijećem koje su oplemenili ovu jednu od centralnih gradskih šetnica. Obzirom da je veliki broj žardinjera oštećen, ukonjene su. Treba ponovo hortikuturno urediti ovu centralnu ulicu.

AMANDMAN V

U Prijedlogu Budžeta Grada Sarajeva za 2019. godinu, iznos na poziciji 613.900 Usluge reprezentacije od 107.000 KM mijenja se i glasi 50.000 KM.

Razlika od 57.000 KM prebaciti na 614.300 rb. 47 Projekat "Roditeljska kuća" Sarajevo – Udruženje Srce za djecu koja boluju od raka tako da će na ovoj poziciji biti 67.000 KM.

Obrazloženje

Analizom budžeta u posljednjih pet godina primjetno je da je ova stavka povećana bez validnog obrazloženja.

S druge strane plemenito je snažnije podržati Udruženje koje brine o djeci koja boluju od raka. Njima nikada ne može biti previše novaca, obzirom na potrebe ove djece.

AMANDMAN VI

U Prijedlogu Budžeta Grada Sarajeva za 2019. godinu, iznos na poziciji 613.900 Usluge protokolarne reprezentacije od 85.000 KM mijenja se i glasi 55.000 KM.

Razliku od 30.000 KM prebaciti na 614.400 rb. 21 Odbrana BiH-Igman 2019. Tako da će na ovoj poziciji biti 40.000 KM.

Obrazloženje

Analizom budžeta u posljednjih pet godina primjetno je da je ova stavka povećana bez validnog obrazloženja.

S druge strane Grad Sarajevo treba značajnije podržati centralnu manifestaciju Odbrana BiH-Igman 2019. koja obilježava herojsku odbranu cijele BiH, obzirom da je ovo centralna svečanost. Upravo radi toga je treba dostojanstveno obilježiti. Glavni grad države treba biti primjer te podrške.

AMANDMAN VII

U Prijedlogu Budžeta Grada Sarajeva za 2019. godinu, iznos na poziciji 613.900 Izrada replike Sebilja, poklon gradovima od 150.000 KM, briše se.

Iznos od 150.000 KM usmjerava se na novu poziciju u budžetu – Izrada horizontalnih linija za parkiranje i uređenje parkinga na području četiti gradske općine.

Obrazloženje:

Radi se o budžetskoj stavci koja je potpuno nova i nema uopće obrazloženja. Nema nikakve informacije vezano za ovaj projekat, niti se Gradsko vijeće ikada o tome izjasnilo.

S druge strane, veliki broj javnih parkinga uopće nema obilježenih parking mesta ili ih je potrebno obnoviti. To će doprinijeti ne samo vizuelnom izgledu već i višem nivou reda i u konačnici racionalnijem korištenju parking prostora kojeg sve manje u odnosu na potrebe. Potrebno je i očistiti i urediti javne parkinge.

AMANDMAN VIII

U Prijedlogu Budžeta Grada Sarajeva za 2019. godinu, iznos na poziciji 613.900 Izrada rješenja za nagrade i namjenske suvenire, od 100.000 KM mijenja se i glasi 70.000 KM.

Razlika od 30.000 KM usmjeriti na 614400 rb 28 - Novogodišnja ulična rasvjeta tako da je novi iznos na ovoj poziciji 80.000 KM.

Obrazloženje:

Analizom budžeta u posljednjih pet godina primjetno je da je ova stavka enormno povećana bez validnog obrazloženja.

S druge strane potrebno je povećati ulaganja u svečanu rasvjetu jer svi gradovi u regiji ulažu daleko više i ti gradovi privlače turiste i na taj način osiguravaju dobit. Sarajevo treba nastojati da prati taj trend i zato su potrebna veća ulaganja.

AMANDMAN IX

U Prijedlogu Budžeta Grada Sarajeva za 2019. godinu, iznos na poziciji 613.900 Ostale usluge (web stranica, prevodenje, teh usluge, snimanje, članarine), od 152.470 KM mijenja se i glasi 52.470 KM.

Razlika od 100.000 KM usmjerava se na novu budžetsku poziciju – Sufinansiranje uređenja dječjih sportskih igrališta na području gradskih opština.

Obrazloženje:

Analizom budžeta u posljednjih pet godina primjetno je da je ova stavka enormno povećana bez validnog obrazloženja.

S druge strane potrebno je obnoviti postojeća dječja igrališta kako bi bila uredna, sigurna i funkcionalna. Ako se postignu sporazumi sa općinama o zajedničkom finansiranju efekat bi mogao biti vidan i sveobuhvatan.

AMANDMAN X

U Prijedlogu Budžeta Grada Sarajeva za 2019. godinu, iznos na poziciji 613.900 Svečano otvorenje Olimpijskog muzeja od 20.000 KM, briše se.

Taj iznos se usmjerava sa po 10.000 KM na 614.300 rb. 11 na Savez udruženja osoba sa cerebralnom paralizom FbiH tako da sada ukupno iznosi 15.000 KM, te na rb. 32. – UG “Život sa Downovim sindromom” – Projekat “Socijalna inkluzija djece sa posebnim potrebama” tako da sada ukupno iznosi 15.000 KM.

Obrazloženje:

Olimpijski muzej je vlasništvo OK BiH. Grad Sarajevo je i pored te činjenice u 2018. godini sufinansirao obnovu Muzeja i stepeništa do muzeja. Izlišno je da sada finansira i otvorenje Muzeja.

S druge strane djeca i građani oboljeli od navedenih bolesti zaslužuju veću pažnju i podršku institucija.

AMANDMAN XI

U Prijedlogu Budžeta Grada Sarajeva za 2019. godinu, iznos na poziciji 613.900 Promocija grada za vrijeme održavanja EYOF-a od 20.000 KM, briše se.

Ovaj iznos od 20.000 KM usmjerava se na novu poziciju u budžetu – Održavanje rasvjete u Ulici Sarači i gravitirajućim ulicama.

Obrazloženje:

Grad Sarajevo na godišnjem nivou izdvaja pola miliona KM za EYOF 2019 d.o.o. koje ima obavezu i vršiti promotivnu kampanju. Zato je u potpunosti neopravdano da i Grad Sarajevo finansira iste potrebe.

S druge strane treba sisitemski održavati rasvjetu u Saračima i gravitirajućim ulicama. Rasvjeta je projekt Grada Sarajeva koja se radi neodržavanja često kvari i na taj način ostavlja ružan dojam. Grad se treba brinuti o projektima koji su finansirani iz gradskog budžeta.

AMANDMAN XII

U Prijedlogu Budžeta Grada Sarajeva za 2019. godinu, iznos na poziciji 613.900 Izrada strategije za međunarodne odnose Grada Sarajeva od 50.000 KM, briše se.

Taj se iznos od 50.000 usmjerava na novu budžetsku stavku – Iluminacija poslovne zgrade gdje je sjedište gradske uprave i federalnog parlamenta

Obrazloženje:

Upoće nema obrazloženja za trošak koji se odnosi na izradu strategije. Nije jasno šta je cilj, šta se želi ovim postići.

Umjesto toga sredstva se usmjeravaju na svečanu rasvjetu zgrade koja je sada po noći potpuno u mraku što je neprimjereno za tako značajne institucije. U projektu bi učestvovao i Parlament FbiH.

AMANDMAN XIII

U Prijedlogu Budžeta Grada Sarajeva za 2019. godinu, iznos na poziciji 613.900 Izrada monografije Grada Sarajeva od 100.000 KM, briše se.

Pola od tog iznosa tj. 50.000 KM usmjerava se na novu budžetsku poziciju-Subvencioniranje škole plivanja Olimpijskog bazena Sarajevo za djecu iz socijalno ugroženih porodica Druga polovina od 50.000 KM usmjerava se na novu budžetsku poziciju-Program subvencioniranja plivačkih programa na Olimpijskom bazenu Sarajevo za penzionere

Obrazloženje:

Uopće nema obrazloženja za opravdanost izrade monografija o Sarajevu. Na tržištu ima kvalitetna ponuda ovakve vrste monografija.

S druge strane potpuno opravdano je da se pomogne roditeljima koji su u stanju socijalne potrebe da uz pomoć zajednice njihova djeca savladaju vještina plivanja.

Također, zajednica je odgovorna da penzionerima omogući da se u trećoj životnoj dobi bave rekreativno plivanjem čime se povećava kvalitet života. Na koncu, na taj način se pomaže i JP čiji je osnivač Grad Sarajevo.

AMANDMAN XIV

U Prijedlogu Budžeta Grada Sarajeva za 2019. godinu, iznos na poziciji 613.900 Producija promo filma o Gradu Sarajevu, od 60.000 KM mijenja se i glasi 30.000 KM.

Razlika od 30.000 KM se usmjerava na novu budžetsku poziciju-Subvencioniranje cijene ulaznica koje plaćaju penzioneri u Narodnom pozorištu, Kamernom teatru i sl

Obrazloženje:

Ne sporeći potrebu produkcije fima, činjenica je da predlagač uopće nije obrazložio predloženi iznos. Cijenimo da je korigovani iznos dovoljan za navedene potrebe.

S druge strane postoji potreba da se sarajevskim penzionerima omogući kvalitetno korištenje slobodnog vremena na način da im se omogući po povoljnim cijenama praćenje predstava u sarajevskim pozorištima.

AMANDMAN XV

U Prijedlogu Budžeta Grada Sarajeva za 2019. godinu, iznos na poziciji 615.000, rb 7 Projekat hotel Vidikovac od 1.000.000 KM, mijenja se i glasi 100.000 KM.

Razlika od 900.000 KM usmjerava se na novu budžetsku poziciju-Uređenje centralnih parkovskih površina u četiri gradske općine

Obrazloženje:

Krajnje je nejasan predloženi iznos za, u obrazloženju navedenu namjenu tj. Izradu glavnog projekta. Tim više što je u protekloj godini za iste namjene bilo predloženo samo 40.000 KM. U nedostatu valjane argumentacije predložen je umanjeni iznos.

S druge strane građani Sarajeva trebaju imati uređene i funkcionalne parkove gdje će sve generacije,a naročito djeca i penzioneri imati puni ugodaj.U svakoj od gradskih općina bi se ovaj projekat realizirao.

AMANDMAN XVI

U Prijedlogu Budžeta Grada Sarajeva za 2019. godinu, iznos na poziciji 615.000, rb 13. Ski staza Trebević od 500.000 KM, briše se.

Kompletan iznos od 500.000 KM se usmjerava na novu budžetsku stavku-Subvencioniranje nabavke ogrijeva za domaćinstava na području četiri gradske općine koja koriste ekološki prihvatljiva goriva

Obrazloženje:

Gradsko vijeće nikada nije dobilo informaciju na osnovu koje bi odlučilo da li je projekat opravdan. U ovoj fazi bilo kakve aktivnosti su ishitrene i neopravdane. Obrazloženje je neadekvatno jer ski staza nije dio projekta obnove žičare. U okolini Sarajeva ima dovoljno ski potencijala.

S druge strane krajnje vrijeme je da se počnu poduzimati konkretnе mjere za smanjenje onečišćena zraka u zimskim mjesecima. Naročito je problem izražen na području centralnih gradskih općina. Subvencioniranje cijene koštanja eko prihvatljivih goriva, stimulisali bi stanovništvo da se okrene takvom načinu grijanja.

AMANDMAN XVII

U Prijedlogu Budžeta Grada Sarajeva za 2019. godinu, iznos na poziciji 615.000, rb 15 otvorenje EYOF 2019 od 650.000 KM, mijenja se i glasi 350.000 KM.

Preostali iznos od 300.000 KM se usmjerava na novu budžetsku stavku-Projekat zamjene rasvjetnih tijela javne rasvjete u centralnim šetnicama i parkovima sa energetski efikasnijim svjetiljkama

Obrazloženje:

Manifestacija EYOF 2019. nije olimpijada i nije racionalno trošiti toliku sumu novca za ovakav nivo sportskog takmičenja, pogotovo ne za otvaranje. Komparirajući slične troškove manifestacija na otvorenom, cijenimo da je umanjeni iznos više nego dovoljan. Iz informacije o stanju na projektu EYOF vidljivo je da će otvorenje sufinsansirati i EYOF 2019 d.o.o. tako da će raspoloživi iznos biti još veći. Samo obrazloženje ove budžetske stavke ne odgovara iznosu u tabeli.

S druge strane Sarajevo treba racionalizirati troškove javne rasvjete, modernizirati naročito u centralnim šetnicama i parkovima u gradskim općinama.

AMANDMAN XVIII

U Prijedlogu Budžeta Grada Sarajeva za 2019. godinu, iznos na poziciji 615.000, rb 19 E formula od 100.000 KM, briše se.

Iznos od 10.000 KM se usmjerava na 614300 rb 9 Udruženje za unapređene obrazovanja i podrške za djecu sa i bez poteškoća u razvoju-Edukacija za sve (EDUS) tako da ukupan iznos iznosi 15.000 KM.

Iznos od 10.000 KM se usmjerava na 614.300 rb 26 Projekat Sigurna kuća tako da je ukupan iznos 20.000 KM

Iznos od 10.000 KM se usmjerava 614.300 rb 45 Realizacija planskih aktivnosti Udruženja roditelja ubijene djece opkoljenog Sarajeva 92-95 tako da je ukupan iznos 15.000 KM.

Preostali iznos od 70.000 KM se usmjerava na novu budžetsku poziciju-Subvencioniranje cijena karata u Pozorištu mladih za djecu osnovnih škola sa području grada Sarajeva

Obrazloženje:

Radi se o inicijativi koja nema uopće realnu procjenu da li se takvo takmičenje uopće može održati u Sarajevu, kojeg obima su potrebne modifikacije na cestama, koji su benefiti za Sarajevo itd. Na osnovu obrazloženja nije jasno za koje bi se konkretno namjene sredstva utrošila. Sarajevo ima važnijih životnih projekata koji zaslužuju prioritet.

S druge strane Grad Sarajevo treba pokazati senzibilitet prema djeci sa poteškoćama u razvoju. Također, treba podržati projekat Sigurne kuće koja ženama osigurava utočište u

kriznim situacijama. Na koncu, Grad Sarajevo treba strateški razmišljati i raditi na razvoju navika kod djece da posjećuju kulturne institucije, a indirektno i podržavati njihov rad.

AMANDMAN XIX

U Prijedlogu Budžeta Grada Sarajeva za 2019. godinu, iznos na poziciji 821.000 Motorna vozila od 50.000 KM, briše se.

Kompletan iznos se usmjerava na novu budžetsku poziciju-Obnova javnih toaleta ispod Gradske tržnice i u Vilsonovom šetalištu.

Obrazloženje:

Rastrošno je kupovati nova vozila kada je prošle godine potrošeno preko 150.000 KM za ove namjene. Postojeća vozila su dovoljna ako se racionalno koriste za službene svrhe. S druge strane potrebno je obnoviti javne WC čiju izgradnju i revitalizaciju je finansirao Grad Sarajevo kako bi bili uredni i funkcionalni.

GRADSKI VIJEĆNIK

Toni Vukadin

